

## Edizioni

- letto 820 volte

## Pattison

I.

Peire Rotgier, a trassaillir  
m?er per vos los digz e ls covens  
qu?eu aic ab midonz, totz dolens,  
de chantar, q?ie·m cuidiei soffrir;  
e pois sai etz a mi vengutz  
cantarai, si n?ai estat mutz,  
que non vuoll remaner confes.

II.

Mout vos dei lauzar e grazir  
car anc vos venc cors ni talens  
de saber mos chaptenemens;  
e vuoll q?en sapchatz alques dir.  
E ja l?avers no·m si? escutz,  
s?ieu sui avols ni recresutz,  
que pel ver non passetz ades.

III.

Car qui per aver vol mentir,  
aquel lauzars es blasmamens  
e tortz e mals enseignamens,  
e fai·n als autres escarnir.  
Q?en dich non es bos pretz saubutz  
mas el faich es puois conogutz,  
e pels faitz veno·il dich apres.

IV.

Per me voletz mon nom auzir.  
Cals son? ? O drutz . . . er clau las dens!  
C?ades poja mos pessamens  
on plus de prion m?o conssir!  
Ben vuoll sapchatz que non sui drutz  
tot per so c?ar non sui volgutz;  
mas ben am, sol midonz m?ames!

V.

Peire Rotgier, cum puosc sofrir  
qēz eu am aissi solamens?  
Meravill me! Si viu de vens!  
Tortz er si·m fai midonz morir!  
S?ieu muor per liei farai vertutz  
per qu?eu cre que si fos perdutz  
dreitz fora que puois mi nogues.

VI.

Era·il ven en cor que m?azir,  
mas ja fo q?er? autres sos sens!  
C?aitals es sos entendemens  
per q?ieu li dei totz temps servir  
pel ben qe·m n?es escazegutz;  
ja no m?en vengues mais salutz  
li dei totz temps estar als pes.

VII.

Si·m volgues sol tant consentir  
q?ieu fos totz temps sos entendens,  
ab bels digz n?estera jauzens,  
e feira·m ses faitz esgauzir!  
E degra·m ben esser cregutz  
qu?eu non dic tan que·m fos creguz  
mas del Bon Respeig don visques.

VIII.

Bon Respeig, d?aut sui bas cazutz!  
E si no·m ereb sa vertutz  
per conseil li don qe·m pendes!

- letto 550 volte